

Održan radni sastanak sa predstavnicima Parlamentarne skupštine BiH (Klub za evropske integracije i sigurnosna pitanja)

22.10.2019 15:29

Danas (22.10.2019.godine) u prostorijama Uprave policije MUP-a TK, održan je radni sastanak kojem su prisustvovali načelnik Sektora uniformisane policije Nevres Šiljegović i članovi delegacije zastupnika Parlamentarne skupštine BiH okupljene oko Kluba za evropske integracije i sigurnosna pitanja PSBiH, čiji rad podržava Međunarodni republikanski institut (IRI).



Na sastanku je razgovarano o svim aspektima migrantske krize u Bosni i Hercegovini, sa posebnim osvrtom na Tuzlanski kanton, kojom prilikom je navedena delegacija upoznata sa problemima sa kojima se susreće Uprava policije MUP TK-a prilikom rada sa migrantima i načina rješavanja istih, u cilju održavanja povoljnog stanja sigurnosti na Tuzlanskom kantonu.

Predstavnici Parlamentarne skupštine BiH, Klub za evropske integracije i sigurnosna pitanja PSBiH, ovom prilikom, upoznali su Upravu policije MUP-a TK sa planiranim aktivnostima koje će se u narednom periodu poduzimati, u cilju iznalaženja najefikasnijeg rješenja za prevazilaženje migrantske krize u Bosni i Hercegovini.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>